

ISSN 2249-510X

A Peer Reviewed and Refereed Journal of
Kashmiri Literature and Language
Department of Kashmiri
University of Kashmir

کاشرس غزلس منز استعارک ورتاوا: اکھ تجزیہ

انتیاز حسین

تلخیص:

پڑتھ کنہ شعر صنفہ منز چھ مختلف شعر ولن ہند ورتاوسپدان تہ پڑتھ کانہہ شاعر چھ یمن ولن
ہند ورتاوشعوری تہ غار شعوری پنہ نس فن پارس منز کران۔ یم ول چھ یون یون مثلاً تشبیہ،
استعار، تمثیل، پیکر، مجاز مرسل بیت تہ بیوستر چھ سہ فن پارہ واریاہ وسعت لبان۔ شاعر چھ
پنہ ہنر مندی ستر فن پارس جہار دنگ جستہ خیز کران تہ کانہہ تہ شعر صنف چھنہ یم ول
ورتاویہ نشہ مجھ آسان تہ یو ہے صورتحال چھ سانہ کاشرس غزلک تہ۔ اتھ منز تہ چھ مذکور
ولن ہند ورتاوسپدان تہ پڑتھ کانہہ شاعر چھ پنہ پنہ بت تہ مقدر مطابقت یمن ولن کام
ہوان۔

کلیدی الفاظ: ورتاوا، شعوری، استعار، تمثیل، مجاز مرسل، وسعت، پیکر

چونکہ موضوع چھ کاشرس غزلس منز استعارک ورتاوتہ پہ کر براہ راست اٹھ پڑھ کتھ۔
گوڈ نتیجہ پہیلہ استعارچ کتھ کرو اتھ پڑھ چھ مختلف نقاد وپنڈ پٹنڈ پٹنڈ راے دتہ تہ پہ کتھ تہ چھکبھ

واشگاف کر مہر ز استعارہ کوتاہ ضروری چھ تہ فن پارس منز کا ژاہ چھ امہ کہ ورتا وچ ضرورت۔ استعارہ چ مختصر تاریف چھ تہ کئی ز دون ہون یا متضاد چیزن یا اکہ چیز بدلہ پیہ چیزک استعمال چھ تہ کئی کرنہ یوان ز اکہ ستر چھ دو بیکو اوصاف پور پائٹھر واشگاف سپدان یا قاری چھ تمن گوش نشہ ز انی یاب سپدان نیمہ ستر ذہن کشادہ گزہان چھ۔ استعارہ چھ پتہ وتہ پٹھہ اکہ کامیاب لسانی ول گزرنہ آمت تہ اتھ پٹھہ چھ ارسطوس پٹھہ از تام بحث جاری۔ ارسطوس سندر کئی چھ استعارہ چیزن تم ناودوان یمن ہند تعلق پیہ کتھ تام ستر آسان چھ۔

امیک مطلب گو ز استعارہ چھ پتہ وتہ پٹھہ بحث و مباحثن منز آمت تہ امیک مطلب چھ بی ز اکہ چیزک ناو پیس چیزس دین ستر زن اکہ ستر پیہ چیزک اوصاف بروئہہ کن تین یعنی استعارس منز چھ تمن دون چیزن ہند ورتا و سپدان یمن کینہہ خاصہ مشترکہ آسن تہ اتھ منز چھ آسان بعضے اکہ چیزک ذکر تہ ستر ہشر دینہ آسہ آمت سہ چھنہ آسان ورتا و س منز آمت ستر منز آ کس مستعار منہ تہ پیس مستعار الہ چھ ونان۔ شاعر پیلہ استعارہ ورتا و ان چھ تہ امہ با پتھہ یوسہ زبان سہ استعمال کران چھ، سو چھ پائی پانے اکہ الگ تہ بدون رنگ رٹان۔ یو دوے استعارک استعمال دو بد شہ زبانی منز تہ سپدان چھ تھ منز چھ اتھ پنڈر اکہ الگ اہمیت مگر شعر زبانی منز چھ امیک استعمال ناگزیر۔

یہ کتھ چھ واضح سپدان ز استعارہ ستر چھ فن پار زنتہ رنگہ یوان تہ شاعر چھ سہ خیال، احساس تہ جذبہ بیتر بیہمیک تس اظہار آسہ کرن، چھ بخوبی استعار و ذریعہ بیان کران تہ پرن و الس تہ تمن چیزن کن ظون پھر ان بیہمیک نہ شاید تمس احساس چھ آسان۔ بقول شمس الرحمان فاروقی:

”مغربی تنقید کی زبان استعمال کی جائے تو ہر برٹ ریڈ کی طرح یہ کہا جاسکتا ہے کہ ”استعارہ

مشاہدے کی مختلف اکائیوں کو ایک واحد حاکمانہ پیکر (Commanding Image) میں متحد کر دینے کا نام ہے۔“

۱

گویا استعارہ ورتا و تھ چھ شاعر مختلف چیز آ کس واحد قالبس منز بروئہہ کن انان تہ مشاہد

کس بنیادس پٹھ چھ یمن ہند پے پر ن وول تہ زہاران۔ شاعر چھ استعارہ سرتھ سو پٹھ تہ بعضے سر نہ
 ورائی ورتاوس منزاناں۔ یہ عام زبانی منزاسہ زیادہ بہن در پٹھ گرتھان چھ مگر زبان چھ بہر حال استعارو
 ستر لبریز آسان تہ اکھ ا کس کتھ باونس منز چھ عام لوک تہ امیک حظ تکلان بیلہ زن تمن بعضے اچ خبر
 چھنہ آسان مثلاً مے ہیوتن نار، مے چھ تو س، تہ چھکھ حاکم بیتر بیتر۔ غرض پر تھ زمس منز چھ یہ دل
 نظر گرتھان تہ شاعری منز چھ اتھ پٹن اکھ اہم مقام تہ کاشرس غزلس منز تہ چھ یسلہ پٹھ ورتاونہ پوان
 ۔ چونکہ کاشرس لک سفر چھنہ زیادہ زیادہ بیلہ زن فارسی تہ اردو زبانی منز اتھ طویل زندگی چھ مگر سوال چھ
 ووتھان ز کاشرس منز کر پٹھ تہ کاشرس کو رامیک آغاز۔ اتھ متعلق چھ ناجی منور لکھان:

”تار تہ لحاظہ یس گوڈیک کاشرس غزل اسہ نظر چھ گرتھان سہ چھ
 میر سعد اللہ شاہ آبادی سعادت (وفات ۱۲۰۲ ہجری بمطابق ۱۷۸۷ء)
 شاہ آبادی چھ کشیر ہند تو ارتخ دان آسنہ علاو سبٹھہ رت فارسی شاعر

تہ تہ نثر نگار تہ او سمت۔“ ۲

میر سعد اللہ شاہ آبادی ہندی شعر چھ تہ کئی:

قدر زندگی زان کہ دنیاہ چھ بزم اے دل
 کتیاہ وچھ ہکھ سورمہ اچھی ماؤنم اے دل
 دریا چھ مواج تہ چھکھ موج ہوا تس
 دریا و تہ چھک ناوسہ چھ ناؤنم اے دل
 (میر سعد اللہ شاہ آبادی)

یہو شعر وتلہ چھ ننان ز کاشرس غزلس منز چھ گوڈ پٹھ استعارک ورتاوسپد مت تہ یمن شعرن
 منز ورتاونہ آتہ استعار چھ تہ کئی ”دل، دریا، دریا“۔ تھے کئی یمن شاعرن ہند کلام اتھ دورس منز نظر
 چھ گرتھان یو دوے تم فارسی یس منز لکھان اسی یا کاشرس منز، تہ ہندس کلامس منز تہ چھ امہ ولگ

ورتا و نظر گره هان۔ مثلاً:

ڙٽڙي پوڻه رنگه ٻه مڙي ڏيڻه مس تن
هاڙي نون نوڏي زبس بو ز عالم (جتي)
يار سڙو ته ڏيکي کڙي پڙو ز ڏيکي نه پکي ته کڙي ز کيا ه
ينه مڙي دانبري ٻه ڇوڻ ڏيڻه ڇوڻ تنه تنه نار برب بر ته ڇه
(غني کاشميري)

يڪن شعرن منزته ڇه استعارڪ ورتا و ته غزلن منزيس هو انوا اسن گره ه س ته ڇه يڪن منز
در ڏيڻه گره هان ته به ڏيڻه ون ته ڇه ميلان زيڻه وول وق آسه امه صنفه باپت بختا وار۔ امه پته ڇه مختلف
وڙن گوشا عرن هند کلام نظر گره هان بيومنز مڙي تنه شعر وڙي مڙي ڇه يڪه سيد سڙو غزلن منز شا مل ڪر ته
هڪيو ڪه۔ مثلاً فخر سندنه شعر:

پونپر و کو تره شمعس گه پان زو ته باله يارس پته
برو ڏيڻه ر ٻه عشق و ته دزنس پا ر لگا يو

استعارڪ ورتا و ڇه سيد سڙو دنون۔ غرض ابتدا هس منز يو سه غزل شاعري تخليق سڙتمه سڙي ڇه
پنه واله وقت خا طر و ته هموار گره هڪ صورت حال در ڏيڻه گره هان يو تام ڪنو هم صدي واڙ ته اتھ منز ڇه بسيار
پاسل طرح ته اون وول شاعر محمود گامي نمودار سپدان۔ يس مختلف صنفن منز طبع آزمائي ڪر ته غزلن ته
لول بران ڇه ته يس کلام مڙي سندس كليائتس منز درج ڇه مگر باسان ڇه غزلن سڙي ڇه محمود گامي يس شعوري
طور دلچسپي اسڙي بيٺه سڙي امه صنفه باپته و ته هموار گه به۔ محمود گامي سندنه شعر و چھتو:

شامه لڙه مستور ڙهار نه در ايس
ڪامه دوماه رو خسار لولو
سه گو محمود در بار چانه در بار چانه
ڪستور ڪر مدنو از روز سان از روز سان

محمود گامی سُنْد کلام تہ چھ استعارو ستری پُرا و تھ تہ بھین دون شعرن منز تہ چھ استعار ورتا ونہ آء تہ مثلاً ماہ
 رو خسار تہ کستو رُ مدنوار۔ یو دوے محمود گامی لیس برو نہہہ وژنک چلے جاواوس تہ سہ تہ رُو دزیاد پہن اُتھر
 منز پنڈو وونہ باوتھ کران مگر سستی چھن مختلف صنفن منز تہ پن قلم آزمو و مت تہ غزل اوس اُم سِنْد با پتھ اکھ
 نوو تجربہ۔ یو دوے اُمس برو نہہہ تہ اتھ منز مختلف شاعر و قلم آزمائی اُس
 گرمہ اما سو اُس تہ تسلی بخش۔ بقول ناجی منور:

”نظم لکھنہ کس ریوا تیس برخلاف چھ محمودینہ خاطر غزل لیکھن اکھ نوو
 تجربہ اوسمت۔ محمودس برو نہہہ یو دوے غزل لیکھنس منز سعادت تہ
 فاخرن کینہہ کامیاب تجربہ کرکے تہ اُس مگر محمودس پٹھ چھنہ تمن ہند
 کا نہہہ تہ اثر پو مت۔ غزل شار ذات پانہ نا ونہ کس سلسلس منز چھنہ
 محمودن دلچسپی با و مڑ۔ امہ عدم دلچسپی ہند یو ہے وجہ چھ زوژن شار
 ذاتھ مقبول تہ موجود آسنہ کئی چھنہ تس غزل لیکھنگ ضرورتھ پو مت
 تکیا زیو سہ شعریت تہ کشش غزلس منز اُس و چھان چھ سوچھ محمود نس
 وژنس منز جا و دیدمان۔“

امہ پتہ چھ غزل گوون ہند اکھ کاروان برو نہہہ کن یوان یم اتھ گلستانس پن پنہہ بتر مطابق پیروی
 کران رُو دے تہ امہ صنفہ خاطر چھ میدان ہنایہ ہن کشاد سپدان۔ بھین شاعرن ہندس کلامس منز چھ
 استعارن ہند بسیار ورتا و در پٹھ گوتھان بھین منز رسول میر، مقبول امرتسری، مقبول کرا لہ و اُرک بیتہ شاعر مل
 چھ تہ رسول میر چھ سارنہ سرس تہ تہ سِنْدس کلامس منز چھ شاعری ہند بن مختلف ولن ہند ورتا و تہ
 استعارک تہ چھ بھر پو ردخل۔ مثلاً لہ با پتہ نمو کھ یم کینہہ شعر:

حال عشقن کیاہے سپن یتھ دس
 تالہ پٹھے چھم شرعی تلوارے

پان میوئے عشقہ کرتلہ کو رشہید
جان راضی ژئے یہ در تقدیر چھس

(واہ محمود)

ماہ روخ باؤتھ تھ شہسوارن مقبول کورنس مات
دوس لگتھ ہتھ بازو گتھ نازکہ وردشہ گوم

موما سیاہ مار زلفن گراپہ متیومان
اما چانے یار پرخماریتا مو (مقبول امرتسر)

ہی تہ مسول پیہ یکمزل پر گے ژئے کن وچھان
چشمہ سیاہ، روخ ووزالی، جامہ چھتہ لیتے

بادام چشمہ سینہ مژراوہن
تنہ چھم مژراون تہ لولو

چھس کعبہ سنگ روے، ابروطاق پھ برطاق
در راہ عشق سجد روا دون بمن آے

(رسول میر)

یکم چھ تم نامور شاعر بیوا تھ صنفہ و سجادیت تہ اکھا، ہم موڈ و تھ کو رکھ یہ ثابت زاتھ منز کا آزاہ

وسعت چھ تہ رسول میر چھ پزی پاٹھی اکھ سہ گونمات یس ہمیشہ امے صفہ ہند اعتبار یاد کرنہ پیہ۔ بیو
 شاعر یس کلام تخلیق کو رمت چھ تھ منز چھ یسلہ پاٹھی استعارک ورتا و نظر گڑھان تہ خاص کر چھ رسول
 میر اتھ دوسر منز سرس۔ مختلف ترکیبہ، نو نو الفاظ، تشبیہ تہ خاص کر صنعت کا آری چھ میر ہندس کلامس
 منز واضح تہ استعار چھ جابہ جابہ نظر گڑھان۔ یم کینہہ شعر ہیر کنہ مثا لہ رنگی پیش کرنہ آے یمن منز چھ
 شرح تلوار، عشقہ کرتل، نار عشق، ماہ روخ، عشقہ صیاد، سیاہ مار زلفن، شہما رزلف، چشمہ سیاہ، شمع، بادام
 چشمہ، یم بطور استعار استعمال آمتز کرنہ تہ یم شعر چھ اکھ الگ کیفیت تہ تاثر و تولاوان تہ قاریس سرور تہ
 فرحت بخشان۔ یہ کارواں چھ بروہنہ کن پکتھ اکھ او و تھ تہ جہت رٹان تہ امکو ژ کر در چھ مجور تہ آزاد۔
 یمن آس پاس یو دے پیہ تہ کینہہ شاعر اتھ صفہ منز تجربہ چھ کران مگر آزاد تہ مجور چھ اکھ منفرد ول ادا
 کران تہ یہ گلزار پیہ ہن سجاوان۔ یمن دون شاعرن بروہنہ یوسہ نہج آس تمہہ نشہ چھ یم انحراف کران
 توے تہ چھ یم نر نیران۔ یمن دون شاعرن ہند یس کلام چھ تھ منز چھ مختلف ولن ہند ورتا و آمت کرنہ
 تہ استعار چھ پیہند کلامک حسن۔ یمہ ستر یہ کتھ واشگاف چھ گڑھان ز استعارک سہار چھ لگ بھگ
 پڑتھ شاعر س خاطر ضروری۔ مذکور شاعرن ہند کینہہ شعر چھ مثالہ رنگی پیش:

چھم آرولہ ہند پاٹھی گائے پار پد نس

کو ستور و دکھ ون ژھایہ ونے کیاہ (مہجور)



ترا و تھ ژ ولم سہ کستوریا ون تھرے تلتھ ویور

پڑہے نظر کرنی دؤ ریوت اضطراب شو بیاہ

(آزاد)

یہ شعرس منز چھ، آرول، کو ستور، استعار رنگی ورتا ونہ آمتز۔ بیو دو یو گونما تو پتہ چھ اتھ
 کاروانس منز شاعرن ہند اکھ جان تعداد شامل گڑھان یم اتھ مزید نیچھنا وان چھ۔ یمن منز غلام نبی

عارض، مرزا عارف تہ فاضل بیتر شامل چھ تہ یمن پتہ چھ پیہ تہ کینہہ شاعر اتھ منز شامل گوشان تہ
 کینون شاعرن ہند کلام چھ تہ تہ زیس اسی اردو کیو فارسی شاعرن ہند کلامس لر لور ہبکو تھاوتھ۔ یو
 شاعر و کر کوشش ز اتھ صنف گوژھ سہ معیار تہ مقام حاصل گروہن یم اتھ عالمی ادبس ستی استاد روز نک
 وقعت چھ دوان۔ ہند کلامس منز تہ چھ یسلہ پاٹھی استعارک ورتاوتہ مذکور شاعرن ہند کلام چھ
 واریاہ پاسل بنان۔ کینون شاعرن ہند کلامہ منز کرو کینہہ شعر پیش:

یہ ما از لول پیہ سن دینہ چھ درامت
 دلس اندر پکو مے پکنگ ہیو صد اگو
 (دینا ناتھ نام)



گلالہ شوق پھو رس، لوگنس کمن بنجرن
 بہ بد نصیب ز انسان کھا سرامنگہ ہے
 (امین کاتل)



گولابن ہٹو ژٹن، سو مبلن جگر پونن
 مشک زھوٹ زلفہ تھر ایہ بہ کیاہ ونہ ہس
 (رحمان راہی)

یمن شاعرن ہند ستی یس ہوانو اکاثر شاعری بالخصوص غزلس منز یاد گووٹھ چھ ونہ تہ قائم تہ
 ہند اثرس تل پھیبہ کتو شاعر۔ چونکہ یمن سارنے شاعرن ہند ذکر چھنہ ممکن لہذا کری نے کینہہ
 شاعر انتخاب تہ یمن ہند کینہہ شعر آے مثلاً رنکو تہ پیش کرنہ یمن منز استعارک ورتا و ماری مؤند چھ

مثلاً گلاب، گولاب، سنبل، لول پیتر۔

یہ چھ نثر کتبہ ز دور جدید کتب شاعران ہند کلام چھنہ امہ ولہ نشہ مجھ بلکہ چھے شاعری استعاراتی
زبان ستر مالا مال یوسہ غور و فکر کرنس پٹھ مجبور کران چھے۔ اگر نہ قاری سنجید آسہ تہ شاعری تہ تنقیدک
مطالعہ آسبس نہ تکر ہند خاطر چھ محال تہ تھن شعرن ہند معنی مجھن۔ وونی کتب یس شاعران ہند کاروان
غزلہ کس مادنس منز سرگرم چھ تم چھنہ محض استعارہ تفریحہ بابت ورتاوان بلکہ چھ پنہ نس فن پارس ایجاز
تہ اختصار کہ حسہ ستر نبرل تہ بدون بناو نکر قابل۔ یمن شاعران ہند نمونہ کلام چھ مثالہ رنگو پیش:

کر کینہ ہا تھی یاون گر کبہ منز

ژھو کہ ریہہ آفتاب تام پگہ

(مرغوب بانہالی)

آرزو پٹھر نمہ دتھ ا خر

کیا زلوب گن ژچھکھ ہواخاموش

(شفیع شوق)



دو پمس کلام کرتہ ہران چھی کتھن گولاب

ژھوپ دوپ نظر تہ پھلتھ آہ زن گلاب

(رفیق راز)



یمن شعران منز چھ ”آرزو، ہوا، گولاب، آفتاب“ بطور استعارہ ورتاونہ آمتہ۔ ا خرس ونوز امہ

صفحہ ہند موجود دوڑک کاروان چھ واریا ہوا ڈیمن متعلق وونی کین کتھ کرنس گنجائش چھنہ۔ وونی گوویہ
کتھ ہسکو وثوقہ سان وکتھ زکائثر غزل چھ استعار کہ سرمایہ سترا مالال۔

کتا بیات:

۱: شمس الرحمان فاروقی، شعر، غیر شعر اور نثر، قومی کونسل برائے فروغ اردو زبان
، دہلی ص: ۱۴۲۔

۲: ناجی منور، پُرساں، جے کے پرنٹنگ پریس سرینگر، ۱۹۹۸، ص: ۱۰۴۔

۳: ناجی منور، کلیات محمود گامی، جموں اینڈ کشمیر اکاڈمی آف
کلچر اینڈ لینگویج، سرینگر، صفحہ نمبر ۵۸۔

☆☆☆☆☆